

مٹھے بول

---



لے کے ناں میں سوہنے رب دا کراں کلام بیان  
مہر محبت کرنے والا اپا اُسدا ناں

## مٹھے بول

محمد نواز صابر

گندھارا ہندکو اکیڈمی پشاور

## مٹھے بول

قرآن	خانے	وج	چینی
یاد	تیرگی		اسراں
ایمان	دل	وج	جراءں

مٹھے بول

---

# مٹھے بول

(ہند کومائی)

محمد نواز صابر

## مٹھے بول

### جملہ حقوق بحق گندھارا ہند کو اکیڈمی محفوظ ہیں

مٹھے بول	نام کتاب
محمد نواز صابر	شاعر
محمد نیاض حسین	کپوزنگ
ثاقب حسین	سرورق
2018ء	سال اشاعت
محمد ضیاء الدین، جزل سیری، گندھارا ہند کو بورڈ	اہتمام اشاعت
F.112/2018	جی ایچ اے اشاعت حوالہ
300	تیت
جی ایچ اے لیزر پرنٹنگ پشاور	پرنٹنگ
گندھارا ہند کو اکیڈمی پشاور	مطبع
978-969-687-104-0	ISBN No.
گندھارا ہند کو اکیڈمی، 2 چنار روڈ، آبدراہ، یونیورسٹی ٹاؤن پشاور	ملٹری یں دا پتہ

### گندھارا ہند کو اکیڈمی پشاور

2۔ چنار روڈ، آبدراہ، یونیورسٹی ٹاؤن، پشاور

091-9216223-4

[www.gandharahindko.com](http://www.gandharahindko.com)

مੱਖے بول

---

## انتساب

آپڻي ماں دے نام

جس دی زبان پشتوانی برے میرے نال

هندکو

اسراں بول دی ائی جیکرو اُس دی زبان

هندکو

ہووے

## مٹھے بول

### فہرست

نمبر شمار	عنوانات	صفحہ
۱	ہند کو دانوال لکھاری (محمد ضیاء الدین)	7
۲	مٹھے بول دا جادو (ش۔ شوکت)	8
۳	ہند کو ما ہیے (حامد ر)	27
۴	کجھ آپڑے بارے اچ (محمد نواز صابر)	28
۵	حمدیہ	30
۶	نقیبیہ	31
۷	عشقیہ	33-137

## ہند کو دانوال لکھاری

گندھارا ہند کو بورڈ دے تخت منعقد ہونزے ولی ہند کو ادبی تقیدی نشست گندھارا ہند کو ادبی اکٹھ دے تخت پروگرام گزشتہ کئی دریاں سی ہوندے چین تے انہاں پر وگراماں دے وچ جھے اساتذہ آپڑا کلام تقید و سے پیش کر دے ائے اُتھے ای نوے لکھاری بی طبع آزمائی کر کے آپڑی تحریراں تقید و سے پیش کر دے ائے۔ انہاں نوے لکھاریاں اچ نواز صابر ہونزاں اس لحاظ نال قابل تعریف اُن کہ انہاں نے مختصر وخت اچ آپڑا کلام اکٹھا کر کے کتابی صورت اچ مرتب کرتا یا تے بک دن مਊں کیہڑیں لگے کہ میرا ہند کو کلام مرتب ہو گئے تئی اس ٹوں چھاپ دیسو۔ منے جiran ہو کے خوشی نال کہیا کہ صابر صیب کیوں نا، اسی ضرور توادا کلام چھاپ سیاں۔ اُتھے ای میں ایہہ سوچنے لگا کہ احمد ندیم اعوان تے سکندر حیات جیہڑے نوے لکھاری نئی بلکہ پرانٹر لکھاریاں دی فہرست اچ شامل ہو چکے ائے تے انہاں نے ہونز تکل آپڑا کلام اکٹھانی کیتا ایاتے نہ ای انہاں ٹوں کتابی صورت دی تے میں سچڑیں لگا کہ نواز صابر دوڑا اچ اگے نکل گئے ائے تے اس موقع تے انہاں دی کتاب ”مٹھے بول“ دی اشاعت تے نواز صابر ٹوں مبار خباد دینا وال تے نال ای ہند کو دے پرانٹر شاعر ایں یعنی احمد ندیم اعوان تے سکندر حیات ٹوں ایہہ ضرور کہہ ساں کہ ہونز تاشی بی آپڑے کلام ٹوں کتابی صورت دے ای دو۔

محمد ضیاء الدین

(جزل سیکریٹری، گندھارا ہند کو بورڈ پاکستان)

## ”مٹھے بول“ دا جادو

مٹھے بول وچ جادو اے ایہ جملہ میرے سامنڑے پئی ہوئی کتاب ”مٹھے بول“ دی اسی طرح دی تصویر پئی پیش کر دی اے۔ کتاب دے سرورخے ای تے تجربیدی آرت دا مرقع، دم دکڑے نال موجود، جوانیاں ماں دی ٹیکارتے ہک دم دکڑا جاندے گبرو جوان دی تصویر، اس گل دی غمازی پئی کر دی اے کہ ”مٹھے بول“، داعل چونکل کے دل وچ کھب جائزے والی اس صنف شاعری نال اے جس نوبڑی ہسانی نال صنف موسیقی دے خانے وچ بھی رکھا جا سکدے۔ مہیا لوک صنف شاعری ہووے یا لوک صنف موسیقی اسدیاں جڑاں کسی قوم، کمیونٹی یا معاشرے دیاں ہواں وچ ہوندیاں۔ عالمی صنف ہوتے دے ناتے اس دے شاعر، موسیقار یا تخلیق کار دا پتا لگانا نامکن اے۔ ایسی جنگل دے خود روپ دے دی طرح آپ آپ پیدا ہوندے، تے آپ آپ پروان چڑھ کے ہک نسل سی دوئی سی تری نسل ول منتقل ہوندا رہندے۔ ہر دور وچ وخت تے ولیے دی چھانٹنی یا کسوٹی اس نوں چھانڑدی رہندی اے تے اس طرح لوک صنف شاعری یا صنف موسیقی دے اودی شہپارے جیندے جا گدے ہک نسل سی دوسری نسل تک منتقل ہو سکد یں جھڑے اپڑے اندر قبولیت عام حاصل کرنے دی سکت رکھدیں۔ قیاس کیتا جاندے کہ مہیا دا لفظ ماہی سی مشتق اے تے ماہی دا اشتھاق ماه سی ہوندا نظر آندے۔ ماہ چن نوں کہندیں تے ایوی لفظ جدو ماہی دے سانچے وچ ٹہل جاندے تا اس سی مراد چن جئے چھرے والا، چن ماہی، محبوب، دلدار، پیارا، سجنڑ، بیلی، جئے بہت ای پیارے نام لئے جاندیں۔ جس طرح اسی دلدار نوں حرف ندادی مدنال دلدارا یار نوں ”یارا“ سجنڑ ”سجنڑا“ کہہ کے پکارنے آں اسی طرح ماہی نوں مہیا کہہ کے پکارنے دی من پسند روایت پوری کر کے اس لفظ دے حسن نوں دو آتشہ کر دینے آں۔ مہیا دی وجہ تسمیہ بیان کردے ہوئے ساڑے اس اشتھاقی قیاس دے برکس اردو مہیا نگاری تحقیق و تقدیم دے مصنف حیدر قریشی لکھدے ون (

## مٹھے بول

ترجمہ) ”ماہیا دالفاظ ماہی سی نکلاوے۔ برے ایا اردو والا ماہی نہیں گا۔ ویسے ماہیا وچ محبت اپڑے محبوب دی جداںی وچ ماہی بے آب دی طرح ترڑفا دکھائی دیندے“۔ حیدر قریشی دی بتلائی ہوئی اس وجہ تسمیہ دے تناظر وچ اگر اسی اپڑے قول دا جائزہ ائی ایں تسانوں ماہیا وچ پائی جائزے والی ماہی بے آب دی کیفیت نوں بھی سموڑا ہوئی۔ جناب حیدر قریشی نے اگے چل کے بتلایا وے کہ ماہی مجال چرازے والے نوں بھی کہیا جاندے تے ماضی وچ ماہیا چروہیاں دے من پسند گوئڑاں دی صورت وچ قبولیت عام دی سند حاصل کردار رہیا وے۔ اصطلاحی طور تے ماہیا صنف موسیقی بھی اے تے صنف شاعری بھی۔ لیکن صنف شاعری سے زیادہ ایسا اپڑی پچھاڑ نہایت ای مرغوب تے مقبول لوک گیت ”ماہیا“ دے طور تے کرواندا وے۔ سید فارغ بخاری دی کتاب سرحد دے لوک گیت وچ ہند کو ماہیا دا ذکر ملدا وے۔ لیکن جدواں سال 1964ء دے دوران شائع ہو کے منصہ شہود تے آزڑے والے ہند کو شاعری دے انتخاب ”نویاں راویں“ وچ ہند کو گیتاں دے حوالے نال گل کر دے ون تا اوہ ہند کو لوک گیتاں دیاں چھ قسماں گزند واندے ہوئے کہندے وون ”ہند کو لوک گیتاں دیاں چھ قسماں وون (۱) سٹھنی (۲) ترنگی (۳) متا (۴) ایتی (۵) پڑپ (۶) لوری۔ انال وچ پہلے ترے سٹھنی، ترنگی، تے متنا شادہ ویاہ دے مخصوص گیت ان۔ ایتی، آپ بیتی دامخف اے اس وچ نوجوان دلادی سرورتی ہوندی اے، اگے چل کے فارغ اوزڑی پڑپ نامی صنف موسیقی دانڈ کر دے ہوئے لکھدین ”پڑپ“، گانڈے دے بول نوں کہندیں۔ ای صنف پشتتوں ہند کو تے ہند کوئی پنجابی نوں ورثے چملی اے۔ ای بڑی مشہور تے مقبول صنف اے۔ اسچ ہر قسم دے جذبات بڑی سادگی تے شوخی بناں بیان کیتے جاندیں

گشن	وچ	پانی	اے
آنے	تا	آ	چن
میری	پگلی	جوانی	اے

گشن	وچ	ڈالی	اے
-----	----	------	----

## مٹھے بول

تیرے عشق دی چاہ منے  
بڑے دکھاں نال پالی اے

1964ء دے ہندوکشاں شاعری دے انتخاب 'نوبیاں راوائیں' وچ ڈپے دے جوابے نال فارغ بخاری دی طرف دیتاں گیاں مثالاں نوں دیکھ کے گمان گزردے کے فارغ صیب 'نوبیاں راوائیں' شاعری تے موسیقی دی جس لوک صنف نوں ہندوکشاں دے نام نال یاد کر دے پئے ون او ای ہندوکشاں ہیا وے۔ جد کہ پروفیسر دارخان داؤ دی پشتو ڈپے دے موضوع تے لکھی گئی کتاب تے اس قسم دے ہور مضمون اس گل دے شاہد ان کے فارغ بخاری دا بتلایا ہو یا ہندوکشاں پشتو زبان دے ٹپے سی یکسر وکھراوے۔ کیونکہ ماہیا او صنف سخن اے جس دی ہک خاص دھن یا لے وے تے نوبیاں راوائیں وچ فارغ بخاری دے درج کیتے ہوئے دو ٹپے بھی اس ای لے یاد دھن وچ گائے یا گنگتاۓ جاسکدین۔ "ہزارہ میں ہندوکوزبان و ادب کی تاریخ" دے مصنف پروفیسر بشیر احمد سوز "ماہیا" دے عنوان نال اپڑے مضمون وچ ڈپے دے موضوع تے گل کرنے ویلے لکھدے ون (ترجمہ) "بعض لوکاں دا خیال اے کہ ماہیا ٹپے (ٹپہ) دی نویں شکل اے تے ایہ بھی معلوم ہو یا وے کہ ٹپہ محمود غزنوی دے دور وچ بڑا مقبول ایا۔ صاحب 'اردو ماہیا تحقیق و تقدیم' نے ماہیا و سطہ بگڑو تے ٹپا دے نام بھی استعمال کیتے ون گر بقول انہاں دے ماہیا دا ماہیانام ای زیادہ مقبول اے۔ آکھے چن نوں جس نام نال پکارا جاوے اوہ چن ای ہوندے۔ اس و سطہ ہندوکشاں نوں، ٹپہ، بگڑو یا اس قسم دے جس نام نال پکارو اس نوں اس دے مقبول تے مرغوب ترین نام ماہیانال ای یاد کرنا مناسب نظر آندے

چٹا لکڑ بھیرے تے  
کاسنی دوپٹے والینے  
منڈا عاشق تیرے تے

ایہ ماہیا سانے اپڑے نکے ہوندیاں شادی ویا دے موقعیاں تے ٹھوکی دے گوڑا گاٹڑے والیاں سکھیاں تے سمجھالیاں سی سنڑا ایہیا تے اج بھی جدوا یا اس قبل دے ہور ماہیے سانوں سنڑے نوں ملدین تا انہاں دی تازگی نصراف روزاول دی طرح برقرار نظر آندی اے

## مٹھے بول

بلکہ وخت تے ویلے دے گزرنے دے نال نال اس وچ ہور وادھا پیندا نظر پیا آندے۔ ہندکو ماہیادی ساخت، اس دی بیت یا بڑوت دے متعلق کچھ لوکاں دا کہنڑ اوے کہ ایڈیڈھ مصروع دی نظم ہوندی اے جس دا پہلا مصروع نکاتے دوامصروع پہلے داد گنا، دو چند، یا طولانی ہوندے تے دوواں مصروع ہم قافیہ ہوندیں مشاً

نیلم      وچ      یتم      ترے  
مرضاں تو لا یاں دارو کھڑا حکیم کرے  
ماہیا نوں ڈیڈھ مصروع دی نظم کھنڑے والا یاں نال اختلاف کر دے ہوئے بعضے  
نقاداں نے ہندکو تے اس قبل دیاں ہور زباناں وچ کہئے گئے ماہیا نوں نوتے مصروعیاں تے  
مشتمل ہک ایجھی نظم دا نام دتا دے جس دا پہلا تے تیسرا مصروع ہم قافیہ ہوندے وان۔ گو یا ڈیڈھ  
مصروع دی نظم نوں ترے مصروعیاں دی صورت وچ لکھنڑے یا پڑھنے و سطے ماہیادے دوسرے  
مصروع نوں جدا کر کے اس نوں ترے سطراں وچ اس طرح لکھاتے پڑھا جائز رے گا  
کوئی ندی کشمیر دی اے  
طعنے نہ دیوو لوکو  
ساری گل تقدیر دی اے

ماہیا اپڑی بیت دے لحاظ نال سہ مصروع نظم ہووے یا اس نوں دیڈھ مصروع نظم تسلیم کرتا  
جاوے دنوں صورتاں وچ ایہ ہائکو، خلاشی، ترگی تے ہور سہ مصروع نظماء سی وکھرا، ممتاز تے  
انڑو کھایا منفرد اے کیونکہ اس دے سیدھے سادے بول سنڑ نے تے پڑھنے والا یاں دے دل موہ  
لیندے ون تے بہت جلدی زبان زد عالم ہو جائز دی سند حاصل کر لیندے ون۔ ہندکو ماہیا  
دے اوزان دا مطالعہ کرنے ویلے سانوں اس دیاں ترے قسمان گھڑ و انڑیاں پیندیاں۔ پہلی قسم  
ماہیئے دی لے یا اس دی دھن تے مشتمل اے۔ دوسرا بحر ہندی، سیلا ب یا ماترے تے متنی اے۔  
جد کہ تیسرا قسم عربی بحد دے مروجہ اصول و قواعد یعنی افاعیل و تقاعیل تے مبنی اے۔ ذیل وچ اسی  
ہندکو ماہیادے انہاں تریوں ای قسمان تے جدا جداب جست کری ایں۔ ماہیادے حوالے  
نال لے یادھن، ساڑھی لوک شاعری وچ بحر یا وزن دا اودھ معیاراے جسد اشور ہر شعر کھنڑے

## مٹھے بول

والے فردوے ذہن وچ پہلے سی موجود ہوندا اوے جس نوں اوہ گنگنا کے کوئی نویں شے تخلیق کردا وے۔ عام طورتے میلے ٹھیلے یا گانڑے و جانڑے دیاں مخفلاں وچ ہند کو ماہیا ہک مقبول عام لے یادھن وچ گایا جاندے تے ایوی دھن اس دی بحر یا وزن دا معیار سمجھی جاندی اے۔ اگر ہند کو دا کوئی کلام اس معیارتے پورا اترے تا اس نوں ماہیا کہیا جاندے۔ دوسری صورت وچ اس نوں غیر معیاري یا بے بحر سمجھ کے رکردا تا جاندے۔ شواہد بتلاندے ون کہ ہند کو زبان دے لوک ادب وچ اوئی ماہنے زندہ جاوید ہو سکے ون جہڑے ماہنے روائی لے یادھن تے پورے اترے تے دھن یا لے تے پورا نہ اترنے والے ماہنے وخت سمندر وچ ڈبکیاں کھانڑے دے بعد ناپیدتے نا بود ہو کے رہ گئے۔ دیکھا گیا وے کہ ہند کو ماہیا عام طورتے علم البحور سی نا بدلوک کہندے رئے ون۔ ماہیا کھنڑے والیاں دی اکثریت ان پڑھ، لم تعلیم یافتہ یانغمہ سرا طبقے نال تعلق رکھدی ائی۔ اس وسطے اوہ ماہنے دا میٹریا اسدا وزن قائم رکھنڑے وسطے ماہنے دی دھن تے لے دا ای سہارا لیندے رئے۔ اس تناظر وچ اسی ای گل کہہ سکنے آں کہ ایہ ماہنے دی دھن ای دا جادو وے جہڑا اس دے وزن دی لاج رکھدار ہیا وے تے اس دی بقا دا ضامن ثابت ہو یا وے۔ گمان اے کہ سیلا ب دی اصطلاح انگریزی دے لفظ Syllable سی نکلی اے۔ اسی سیلا ب یا Syllable دے متعلق انگریزی کمپوزیشن پڑھنے وقت جانڑ پائے کہ انگریزی دالفاظ good ہک ای ساہ وچ ادا ہو جاندے اس وسطے اس دے Syllable دی تعداد ہک ہوئی۔ جد کے اسدے بر عکس بیویشیل beautiful دالفاظ بیو۔ ٹی۔ فل، ترے ھیاں وچ ادا ہو سکدے۔ اس وسطے اسی اس نوں ترے syllable دا حامل لفظ کہہ سکنے آں۔ ایوی معیار ہند کو شاعری دے دیسی اوزان سیلا ب دا مقرر کیتا گیا وے۔ مثلاً میں، دالفاظ ہک ساہ وچ پڑھایا بولا جاسکدے۔ اس وسطے اس نوں ہک سیلا ب دا حامل لفظ کہیا گیا۔ اسی طرح "اچھا" دے لفظ نوں دو چھٹکیاں "اچھا۔ چھا" وچ پڑھایا بولا جاسکدے۔ اس وسطے اس لفظ دے دو سیلا ب ہوئے۔ وال، دالفاظ میں، دی طرح ہک ای ساہ وچ ادا ہو جاندے، اس وسطے ایہ لفظ بھی ہک ای سیلا ب دا حامل ہو یا۔ اگر اس تناظر وچ "میں اچھا واں" جئے جملے دے سیلا ب دی گیئڑتی کیتی جاوے تا میں، ہک "اچھا" دو تے وال، ہک۔ یعنی کل چار سیلا ب ہوئے۔ اسدا مطلب ایہ ہو یا کہ "میں اچھا واں" جملہ چار

## مٹھے بول

سیلا باب تے مشتمل ہویا۔ اتھے ایگل قابل ذکر اے کہ ہندو شاعری دے سیلا بابی اوزان وچ عربی بجور یا افغانیل و تقاضیل دے برکھس سبب تے وتد اخیال نہیں رکھا جاندابلکہ یہ ای واری یہ ای ساہ وچ ادا ہونڑے والی ہر آواز نوں مصرعے دا سیلا بابی رکن کیا جاندا ہے۔ مثلاً: ”تسی ٹکا ٹکا ہسدے او،“ دے سیلا بگھڑنے ویلے اس مصرعے دے ہر رکن نوں انج گنڑا جاسی۔ ت۔س۔سی۔ ٹک۔کا۔ٹک۔کا۔ہس۔دے۔او۔اس طرح ماہئے دے اس مصرعے تو گھڑ کے بتلایا جا سکسی کہ ای یہ نو ۹ سیلا باب تے مبنی مصرعہ دے۔ اسی طرح: ”قسم خدادی چنا۔ ستے سیلا باب تے مبنی مصرعہ ثابت ہوئی، میرے دل وچ وسدے او۔ ست سیلا باب تے مبنی مصرعہ گنڑا جاسی۔ ادب دے عالمان نے اوزان یا بحراں نوں پر کھڑے و سطے عربی بحراں نوں معیاری قرار دتا وے تے اس ای حوالے نال ہونڑے والی تقطیع نوں سکھ رائج الوقت دی طرح معتبر مناوے۔ ماہیا اگر ڈیڈھ مصرعہ دی نظم دی صورت وچ تخلیق ہووے یا اس نوں ترے مصرعیاں دی بہیت وچ لکھایا پڑھا جاوے دووال صورتاں وچ ماہیے دا یہ ای وزن معیاری سمجھا جاندے۔ تنور بخاری نے ماہیے دے تریوال مصرعیاں دا الگ الگ وزن ”مفقول۔ مفاعیلین“ بتلایا وے جد کہ اس دے برکھس جمال ہوشیار پوری نے ماہیے دے ہر مصرعہ دا وزن ترے ترے دفعہ ” فعلن فعلن فعلن فعلن“ بتلایا وے۔ وحید قریشی نے ماہیے دے حوالے نال ڈاکٹر جمال ہوشیار پوری دے موقف نوں زیادہ جاندار قرار دیندے ہوئے کہیا وے کہ: مفقول مفاعیلین بھی عملی طور تے ” فعلن فعلن فعلن“ داروپ تھارلیںدے۔ مفقول فاعیلین۔۔۔۔ وہ بھی تنور بخاری دا موقف بھی یکسر غلط ہیں گا۔ کیونکہ بعض ماہیے اناں دے بیان کردہ وزن تے بھی پورے اتردے ون۔ بقول وحید قریشی بعض ادیباں نے کہیا وے کہ ماہیے دے دوسرا مصروف دا وزن پہلے تے تیسرے مصرعیاں اسی یہ سبب کہت بھی ہونڈاوے تے بعض اوقات انہاں دے برابر بھی۔ اصل وچ ما ہیا گنگنا نڑے یا گانڑے دی غرض نال تخلیق پاندے اس و سطے ادوی بحراں اس و سطے کا گرگر ثابت ہوندیاں جہڑیاں گانڑے یا گنگنا نڑے وچ کسی قسم دی رکاوٹ دا باعث نہ بنڑن۔ دیکھا گیا وے کہ جہڑے ماہیے ” فعلن فعلن فعلن فعلن فع۔۔۔۔ فعلن فعلن فعلن فعلن دے وزن تے لکھے گئے ہووں تا انہاں نو گنگنا نڑے وچ ہسانی رہی اے تے ادوی مقبولیت دی سند بھی حاصل

## مٹھے بول

کر سکے ون

ا س م ا نی	ت ا ر ا ت	ن ا ن
ب ا ز ا ی	د ل	و ا ل ا ی
ا س ا ج ت ک	ک	و ا ہ ا ر ا ے
		ن ا ن

س ا ڈ ا	ن ا ز ک	د ل	م ا ه ب ی ا
ک ل ی ا ن	ن او	م ل	ب ھ ن و رے
س ا ن ا و	ت او	گ ی و	م ل
			م ا ه ب ی ا

ہندکوزبان وچ ماہیانا می گیت مشاعرے وچ پڑھے جائزے دی غرض نال بہت کہہت  
 ککھے گئے ون یا سرے سے ککھے ای نہیں گئے۔ اس وسطے ہندکوزبان دے شاعرالا دے کلام وچ  
 اس صنف دانا پید ہونڑا ہب قدر تی جیہا عمل اے۔ تا ہم پتوڑتے کو ہاٹ دے مقابله وچ ہزارے  
 وچ ماہیا کہنڑے والے شاعرالا دی بہتات نظر آندی اے۔ جہاں وچ نیاز سواتی، فضل اکبر کمال،  
 آصف ثاقب، پرواز تربیلوی، سلطان سکون، قتل شفائی، حیدر زمان حیدر، محمد رحمان، مشتاق احمد،  
 محمد فرید، نذر کسیلوی، احمد حسین مجہد، ساجد حسین ساغر، اکرم درویش، حفیظ عاجز، ناصر بختیار، شکیل  
 انوان، نقاش اختر، اجمل نذر، مسکین علی، ایم ساجد سواتی، اور نگ زیب تسم، سید الرحمن شیرازی،  
 افتخار حسین ناشاد، احمد دین راشد، داؤ مغل، ذوق فقار علی، مختار تنولی بزرگالوی، وحید اختر، ابرار خان  
 جدون، اشرف جدون، خورشید احمد وفا، ایم سفیر جالوی، وحید اختر وحید، عبدالقیوم آرزو، ذوق فقار علی  
 تے اواجئے بہت سارے ہور نام قابل ذکر ان

کھر لی	وچ	ت ا ن ڈے	ن
تساں	کولوں	گیدڑ	چنگے
چھڑے	کھاندے	کلکڑیاں	نی

## مٹھے بول

کشمیراں	چھلا	دا	ہتھ
نال	ناں	نہ	چھوڑ
تقدیراں	پتھ	دا	نمیں
دیاں	گچھیاں	اغور	لوئی
منگیاں	کولو	نمیں	اللہ
دیاں	جداںیاں	دور	ایہ
نی	درزاں	دیاں	چاندی
کے	بڑے	دکھ	نکے
نی	مرضان	لگیاں	سانوں

بنیادی طور تے ہند کو ماہنے دامزاج خالصتاً رومانوی اے برے اس وچ حمد باری تعالیٰ، نعمتیہ، بزرگان دین نوں خراج، معاشرتی مسئلے، پند و نصائح، عشق و محبت، ہجر و فراق، طنز و مزاح، انتظار دی کیفیت، تے ہور بہت سارے موضوعات بھی شامل ہوندے رئے ون۔ ماہیے وچ عام طور تے کسی موضوع تے گل اس دے دوسرے یا تیسرے مصرے وچ کیتی جاندی اے۔ پہلے مصرے وچ اس قافیہ دا اعلان کر دتا جاندے جس دا تعلق اس دے تیسرے مصرے وچ اس موضوع تے ماہنے دے اختتام دا اعلان کیتا جاندے۔ بہت سارے ماہیا کہنڑے والے ماہنے دی ساخت تے اس دی بحریاں دے اخیال نی رکھدے جسدی وجہ نال انہاں دے ماہنے گمنڑے نال اے اپڑی موت آپ مر جاندیں تے صرف اوای ماہنے چیندے جا گدے رہندیں جہاں وچ زندہ رہنڑے دی سکت ہوندی اے۔ ہند کو ماہیا اس مقام تے بڑی رغبت نال گایا تے سفر ا جاندا وے جتھے ہند کو زبان بولنڑے والے اباد ہوندیں۔ اس حوالے نال اسی ہند کو زبان دے وکھرے وکھرے تے رنگ و رنگ لجھیاں دے چانڑے وچ ماہیا دا الجہہ سفر کے فیصلہ کر سکنے آں